



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliag nr. 01.31.06/07-00234 pillugu sisamangornermi ulloq 19. april 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 26. marts 2007-imi ataatsimiinneranni imm. 2h)

Sisimiuni kommunip inissiaataannik attartortittakkanik tunisinissaq

Naalakkersuisut inassutigaa,

Inatsisartut Aningaasaqarnermut Ataatsimiititaliaata akuerissagaat illut Nunap Karsianit tapiiffiqineqarsimasut B-968, B-1171 aamma B-1230, 3911 Sisimiut, Sisimiut kommuniata tuniniarsinnaagai, tamatumaniilu kommunip iluanaarutissat Nunap Karsianut iluaqutissanngortissagai, tamatumalu kingorna kommunip iluanaarutit inissianik sanaartornermut atorsinnaassagai, kommunip sanaartorfissagissaanissaa tassunga ilaatinneqassalluni.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliap isumaqatigiittup akuersissutigai.

Tamatuma saniatigut illoqarfinni niuernermi akigitat malillugit inissianik tunisiffiusinnaasutut isigineqartuni inissianik teknikikkut aningaasaqarnikkullu naliliisarneq pisortanit siunissami qimanneqarnissaa Aningaasaqarnermut Ataatsimiititaliami ikinnerussuteqartup, Demokraatit ilaasortaataata **kaammattuutigaa**. Illoqarfimmi Sisimiutut ittumi pisortat karsiisa annertunerusumik naammaginarnerusumillu iluanaaruteqarnissaat qulakkeerneqarsinnaasariaqartoq, tamatumalu peqatigisaanik innuttaasut amerlanerusut namminerisimannik ineqalernissamut annertunerusumik periarfissinneqarnissaat qulakkeerneqarsinnaasariaqartoq ataatsimiititaliami ikinnerussuteqartup oqaatigaa.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua